



Mae S4C yn falch i gyhoeddi Côr Cymru 2019 – cystadleuaeth gyda gwobr gyntaf o **£4,000**. Mae gan Gymru draddodiad hir a llewyrchus o ganu corawl, a nod y gystadleuaeth yw cynnal a chodi'r safonau hynny.

Trefnir y gystadleuaeth gan gwmni Rondo Media a bydd y rowndiau cyn-derfynol a'r rownd derfynol yn cael eu recordio gan Rondo i'w darlledu ar S4C.

Mae pedwar categori yn y gystadleuaeth:

**Corau Plant 16 oed ac o dan**

**Corau Ieuencid o dan 25 oed**

**Corau Cymysg**

**Corau Lleisiau Unfath** (Merched neu Meibion)

**Côr Sioe** (cantorion sy'n cyfuno canu a dawnsio) \* **Categori Newydd** \*

Bydd pob côr sy'n cyrraedd y rowndiau cyn-derfynol yn derbyn gwobr o £500 a bydd enillwyr y categorïau uchod yn derbyn gwobr o £500 ychwanegol, ac yn cystadlu yn erbyn ei gilydd am y teitl Côr Cymru 2019 a'r brif wobwr o £4,000.

**Cynhelir y rowndiau cyn-derfynol ar benwythnos Chwefror 15eg – 17eg 2019 a'r rownd derfynol ar Sul, Ebrill 7ed 2019 yng Nghanolfan y Celfyddydau, Aberystwyth.**

Gwahoddir ceisiadau oddi wrth gorau o Gymru a chorau o'r tu hwnt i Glawdd Offa sydd â chysylltiad agos â Chymru neu sy'n perfformio'n gyson yn yr iaith Gymraeg.

Rhaid bod lleiafswm o 20 aelod ym mhob Côr. Yn y categori Corau Ieuencid, rhaid i bob aelod o'r côr fod o dan 25 oed ar Awst 31ain 2019. Yn y categori Corau Plant, rhaid i bob aelod o'r côr fod yn 16 oed neu o dan 16 oed ar Awst 31ain 2019.

**Bydd enillydd Côr Cymru 2019 yn cynrychioli Cymru yng nghystadleuaeth Côr y Flwyddyn Eurovision.**

**Dyddiad cau derbyn ceisiadau: Medi 28ain 2018.**

**O gymryd i ystyriaeth dyddiadau tymor y Colegau, derbynir ceisiadau oddi wrth gorau ieuencid hyd at Hydref 8ed 2018.**

## 1. Gwrandawiadau:

Fe fydd pob côr yn cael eu recordio (sain yn unig) gan beiriannydd sain proffesiynol yn eu cynefin ym mis Tachwedd/Rhagfyr 2018. Dylai'r corau ieuencid, cymysg, sioe a lleisiau unfath rhaglen amrywiol o gerddoriaeth rhwng 12-15 munud. Dylai'r corau plant baratoi rhaglen amrywiol o gerddoriaeth rhwng 10-12 munud. Rhaid cynnwys o leiaf un darn digyfeiliant. Ni chaniateir golygu'r perfformiad, a chaiff pob côr gopi CD o'u perfformiad.

**Bwriedir** recordio yn yr ardaloedd canlynol fel a ganlyn:

Nos Iau	15.11.18	Caerdydd
Dydd Sul	18.11.18	Caerdydd
Nos Lun	19.11.18	Caerfyrddin
Nos Fawrth	20.11.18	Aberystwyth
Nos Fercher	21.11.18	Yr Wyddgrug
Nos Wener	23.11.18	Castell Newydd Emlyn
Dydd Sul	25.11.18	Bangor

Gwrandewir ar y recordiadau gan banel o feirniaid rhyngwladol, ac fe fydd y corau'n cael eu hadnabod fesul rhif, ac nid enw. Y gobaith yw hysbysu pob côr o ganlyniad eu gwrandawriad erbyn diwedd Rhagfyr 2018, pan y gwahoddir hyd at bedwar côr ym mhob categori i fynd ymlaen i'r rownd gyn-derfynol. Bydd barn y panel beirniaid yn derfynol.

## 2. Rowndiau cyn-derfynol Canolfan y Celfyddydau, Aberystwyth

Bwriedir cynnal y rowndiau cyn-derfynol fel a ganlyn:

Nos Wener	15.02.19	Corau Ieuencid
P'nawn Sadwrn	16.02.19	Corau Lleisiau Unfath
Nos Sadwrn	16.02.19	Corau Sioe
P'nawn Sul	17.02.19	Corau Plant
Nos Sul	17.02.19	Corau Cymysg

**Fodd bynnag, gofynnir i'r corau gadw'r penwythnos i gyd yn rhydd rhag ofn y bydd newid trefn.**

**Gofynnir i'r corau ieuencid, cymysg, merched a meibion berfformio rhaglen amrywiol o 15 munud o gerddoriaeth. Gofynnir i'r corau plant ganu rhaglen o 12 munud o gerddoriaeth.**

Dylid canu o leiaf un darn yn yr iaith Gymraeg, ac ni chaniateir mwy nag un darn yn yr iaith Saesneg.

Bydd côr buddugol pob categori yn cael ei ddewis i fynd ymlaen i'r rownd derfynol. Panel o feirniaid rhyngwladol a fydd yn dewis y corau hynny a bydd barn y panel yn derfynol.

Gofynnir i'r corau:

- Erbyn **Ionawr 7ed 2019** fan bellaf gyflwyno **rhaglen y rownd gynderfynol** ar bapur neu trwy ebost.
- Erbyn **Ionawr 7ed 2019** fan bellaf anfon **copïau o'r gerddoriaeth** gyda unrhyw doriadau neu 'ail-ganu' wedi eu copïo mewn yn barod. Ni chaniateir newid y rhaglen ar ôl y dyddiad yma oni bai bod problem yn codi gyda chlirio hawlfraint darlledu darn arbennig.
- Erbyn **Ionawr 18eg 2019** gwybodaeth am unawdwyr, niferoedd, trefn sefyll a chyfeiliant.
- Erbyn **Ionawr 25ain 2019** fan bellaf recordiad gweledol (fideo) wedi ei wneud ar ffôn/ipad/dablet o'r darnau fel mae nhw'n cael eu cyflwyno ar lwyfan.

Mae gan S4C yr hawl i ofyn i gôr newid y rhaglen os oes problem yn codi gyda hawlfraint darlledu.

**Mae gan S4C yr hawl i wrthod corau i gystadlu os nad ydynt yn cydymffurfio gyda'r amodau.**

### 3. Rownd derfynol:

**Gofynnir i'r corau berfformio rhaglen amrywiol o 12 munud o gerddoriaeth.**

Dylid canu o leiaf un darn yn yr iaith Gymraeg, ac ni chaniateir mwy nag un darn yn yr iaith Saesneg. Rhaid i raglen y rownd derfynol fod yn wahanol i'r rownd gyn-derfynol, ond caniateir canu un darn o raglen y rownd gyn-derfynol yn y rownd derfynol, os dymuna'r côr wneud hynny.

Panel o feirniaid rhyngwladol fydd yn dewis Côr Cymru 2019.

Bydd barn y panel yn derfynol.

Gofynnir i'r Corau:

- Erbyn **Chwefror 28ain 2019** gyflwyno rhaglen y rownd derfynol. Ni chaniateir newid y rhaglen ar ôl y dyddiad yma oni bai bod problem yn codi gyda chlirio hawlfraint darlledu darn arbennig.
- Erbyn **Mawrth 11eg 2019** recordiad gweledol (fideo) o'r darnau fel mae nhw'n cael eu cyflwyno ar lwyfan ar ffôn/ipad/dablet.

- Mae gan S4C yr hawl i ofyn i gôr newid y rhaglen os oes problem yn codi gyda hawlfraint darlledu.
- **Mae gan S4C yr hawl i wrthod corau i gystadlu os nad ydynt yn cydymffurfio gyda'r amodau.**

Os ydych yn defnyddio cyfieithiad neu drefniant sydd heb ei gyhoeddi, mae angen caniatâd ar bapur wrth y cyhoeddwr os gwelwch yn dda. Cyfrifoldeb y corau yw talu am y cyfieithiadau ac am y caniatâd i ddefnyddio'r cyfieithiadau ar S4C.

### **Teithio i Aberystwyth**

Bydd Rondo yn trefnu ac yn talu am fws i'r côr gyrraedd Aberystwyth. Ni fydd Rondo yn cyfrannu tuag at gost llety yn Aberystwyth.

### **Cyfeiliant**

Trwy gydol y gystadleuaeth, caniateir defnyddio hyd at 5 cerddor fel cyfeiliant i'r eitemau. Cyfrifoldeb y côr yw trefnu'r cerddorion a thalu unrhyw ffioedd sy'n ddyledus trwy ddarlledu.

### **Gwobr Arweinydd**

Cyflwynir gwobr arbennig i'r arweinydd gorau yn y gystadleuaeth. Bydd y dewis yn cael ei wneud yn ystod y rowndiau cyn-derfynol.

Am fwy o fanylion, cysyllter â:

**Côr Cymru 2019**

**Rondo Llawr 9**

**Ty South Gate**

**Wood Street**

**Caerdydd CF10 1EW**

Ffôn: **029 2022 3456** (Cost galwad arferol, gall y gost fod yn uwch drwy ffôn symudol)

E-bost: **[corcymru@rondomedia.co.uk](mailto:corcymru@rondomedia.co.uk)**

Gweler amodau llawn y gystadleuaeth ar **[s4c.cymru/corcymru](https://s4c.cymru/corcymru)** neu **[rondomedia.co.uk](https://rondomedia.co.uk)**

## Gwarchod Data

Fe fydd Rondo yn cydymffurfio â'r cyfreithiau gwarchod data a'r egwyddorion sydd wedi eu gosod yn y Rheoliad Diogelu Data Cyffredinol (GDPR) gan gynnwys:

- Sicrhau defnydd cyfreithiol, teg a thryloyw o'ch data
- Ein bod dim ond yn casglu data at bwrpasau dilys yr ydym wedi eu nodi wrthyhych ac na fyddwn yn defnyddio'r data at bwrpasau eraill
- Bydd ein defnydd o'r data yn berthnasol i'r pwrpas rydym wedi ei nodi wrthyhych
- Bydd y data'n cael ei gadw'n gywir a'i ddiweddarau
- Byddwn yn cadw'r data am y cyfnod sy'n angenrheidiol er mwyn diwallu'r pwrpas rydym wedi nodi
- Byddwn yn cadw'r data'n ddiogel

### Y math o ddata byddwn yn ei ddal

Mae'r holl wybodaeth y byddwn yn ei gasglu gennych yn cynnwys y wybodaeth y byddwch wedi ei rannu gyda ni ar gyfer y Rhaglen ond hefyd unrhyw wybodaeth bellach y byddwch yn ei rannu gyda ni wrth gynnal y gystadleuaeth ac wrth gynhyrchu'r Rhaglen gan gynnwys enw, cyfeiriad, ebost a rhif ffon.

Mae'n bosib y byddwn hefyd yn casglu gwybodaeth am iechyd ac unrhyw anghenion arbennig sy'n berthnasol i chi er mwyn gwneud trefniadau priodol wrth gynhyrchu'r Rhaglen.

### Ein defnydd o'r wybodaeth

Rydym eisiau bod yn dryloyw o ran y defnydd a wnawn o'ch gwybodaeth fel eich bod yn deall sut a pham ein bod yn ei chasglu ac yn ei defnyddio, ac er mwyn i chi wybod y gallwch ymddiried ynom bob amser.

Byddwn yn defnyddio eich gwybodaeth bersonol er mwyn asesu eich addasrwydd ar gyfer cymryd rhan yn y Rhaglen, i gysylltu â chi ynglyn â threfniadau yn ymwneud â chynhyrchu'r Rhaglen ac er mwyn cydymffurfio â gofynion cyfreithiol a rheoleiddiol.

Mae gan Rondo ddiddordeb dilys (legitimate interest) i brosesu eich data fel rhan o'r broses o gynhyrchu'r Rhaglen. Unig bwrpas gofyn am wybodaeth amdanoch yw i allogi Rondo i gynhyrchu'r gystadleuaeth a'r gyfres deledu ar gyfer S4C mewn modd adloniannol ac er mwyn cydymffurfio gyda'n oblygiadau cytundebol wrth gynhyrchu'r gyfres ar gyfer S4C.

## **A fydd Rondo'n rhannu fy ngwybodaeth personol ag eraill?**

Fe fydd Rondo'n rhannu peth o'r data gydag S4C er mwyn ateb gofynion cytundebol Rondo gyda S4C ac er mwyn trafod elfennau'r Rhaglen gydag S4C. Mae'n ofynnol ar i S4C i gydymffurfio â gofynion cyfreithiol er mwyn gwarchod y data ac mae gan S4C brosesau priodol mewn lle er mwyn sicrhau hynny.

Ni fydd Rondo yn gwerthu eich data i unrhyw un arall. Ni fyddwn yn trosglwyddo eich gwybodaeth ymlaen i sefydliad gwahanol, (ag eithrio S4C fel rhan o gynhyrchu'r gyfres), ond gyda'ch caniatâd chi, neu yn yr amgylchiadau cyfyngedig a nodir yma.

Bydd Rondo yn gofalu am eich gwybodaeth wrth ei storio'n ddiogel ar ein Sistem Rheoli Cynnwys ar ein cyfrifiaduron ac mewn ffurfiau eraill diogel. Byddwn yn cyfyngu mynediad i'r wybodaeth i'r gweithwyr hynny yn unig sydd angen gwybod yr wybodaeth er mwyn cynhyrchu'r Rhaglen. Fe fydd yr unigolion hynny'n prosesu eich data yn dilyn cyfarwyddyd gennym ni yn unig ac o dan ymrwymiad o gyfrinachedd.

Byddwn yn cadw'r wybodaeth am hyd cyfnod cynhyrchu'r gyfres ar gyfer S4C ac yna yn ei waredu oni bai bod rhesymau cytundebol neu gyfreithiol fydd yn ei gwneud yn ofynnol i Rondo ac S4C gadw elfennau o'r wybodaeth at bwrpasau darlledu ac archifo'r Rhaglen.